

## Суолдьут сулус эһэбит

Үйэни унгуордаан  
Эн сырдык ааткынан  
Кэнчээри ыччатын  
Өрүү киэн туттуоҕа  
Олорбут олоххун  
Холобур оностон  
Суолдьут сулустуу  
Өрө тутуоҕа.

## Эһэ Куонаан – мин геройум

Уоттах сэрии суостаах тыына,  
Эн сүрэххин хоппотоҕо.  
Ыра санаа сырдык кыыма,  
Өрүү эйигин арыаллыыра.

Ыччаттардаах буолар дьылҕан,  
Хорсун-хоодуот күүстээх майгын.  
Ахтылҕаннаах дойдун дьоно,  
Күүстээх санаа эбэллэрэ.

Эн сиппэтэх санааларгын,  
Ыралаабыт ыраларгын,  
Чолбон сулус оностон,  
Ыччаттарын ситиэхтэрэ.

Сырдык ааткын үйэтитэн,  
Куруук ахта саныхтара.  
Киэн тутта, махтана,  
Эһэ Куонаан дэһиэхтэрэ.

## Саһарбыт хаартыскалар

Саһарбыт хаартыскааттан,  
Хос эһээм миэхэҕэ мичээрдиир.  
Знамя иннигэр бу турар,  
Пулемет тутан түөһүгэр.

Бу манна кини эдэркээн,  
Уоттаах сэрии саҕана.  
Онно мэтээл оннугар,  
Үс хаартыска баар альбомна.

Онтон бу сэрииттэн кэлбитэ,  
Түөһүгэр мэтээллэр көстөллөр.  
Ол эрэн кини мичээрэ,  
Син биир эдэрдий симигэ.

Онтон бу сиэттэрин кытары,  
Бу баардыы одуулаан олорор.  
Бу биһиги эһэбит,  
Киэн туттар күндү киһибит.